

中學組 冠軍 《三隻小豬一條邨》

老師：

大家都係拔尖班嘞，係時候要接觸一啲人性化啲嘅議題。我哋今日講「今日香港」，而我哋擺屋邨做例子。時下嘅屋邨欠缺嘅，就係人情味兼且溝通。咁原因都係不外乎時代轉變咗，同埋生活節奏急速快咗。至於今日嘅功課係咩，就係要大家諗一諗，點樣先可以重捨返人情味，同加強返佢哋嘅溝通，就係你哋今晚嘅功課。有無嘢唔明白？

同學一：

你哋同我一班三年又三年.....

同學二：

吓？一年都未夠喎！

同學三：

呢啲都唔係重點。講啦，有咩事呀？

同學一：

今日上堂呀 Sir 講啲嘢好有 Point，所以.....

同學二：

你唔係想好似嗰啲區議員咁，搞啲咩義工隊呀嘛？

同學一：

Exactly！

同學三：

其實諗得過㗎喎。

同學一：

咁我就想成立個「三隻小豬同學會」，時不時幫下啲街坊，建立邨民之間嘅溝通，重拾人情味。

同學二：

玩嘢咩？幫人就可以重拾人情味？最多咪就係熱心！

同學三：
或者得呢。

同學一：
Trust me，信我！

同學一：
既然大家都同意，咁我哋開始！

同學一：
唉，我哋好似失敗咗。不如我哋解散啦。

婆婆：
小朋友，我唔識得 Download Apps，唔該你幫下我呀。

同學三：
得喇.....咦？你係上次嗰個婆婆呀？

婆婆：
係呀，多謝你呀！上次都唔記得多謝你。我請你哋食朱古力呀！

同學三：
好呀，多謝婆婆。

師奶：
小朋友，上次你幫我攞餅，多謝你哋呀！呢度有啲餅，請你哋食呀！

鄰居一：
咦，呢班小朋友喺度做緊啲咩呀？

鄰居二：
吓？你唔識佢哋咩？佢哋呢幾個月，一直幫緊我哋啲街坊喎。差唔多每一個街坊都識佢哋㗎喇。

同學一：
真係㗎？

鄰居二：

梗係啦！每個街坊食完飯之後，都會提起你哋㗎。仲話見到你哋，就會
諗返起舊時嘅人情味添呀！

同學一二三 (齊聲)：

我哋得㗎喇！